



Fylkesmannen i Hordaland

Saksbehandlar, telefon
Tor G. Turøy, 55 57 22 22

Vår dato
09.05.2018
Dykkar dato
09.05.2018

Vår referanse
2018/3126 721.0
Dykkar referanse
14/1074 – 18/10125 Kjell Ølnes

Meland kommune
postmottak@meland.kommune.no

Statleg tilskot for 2018 til vidareføring av to stillingar ved barneverntenesta

Vi viser til Meland kommune si oversending per e-post 9. mai 2018 av rekneskap og revisjonsuttale vedrørende det statlege tilskotet for 2017 til vidareføring av to stillingar i barneverntenesta.

I 2017 hadde Meland kommune til rådvelde inntil 1 435 000 kroner i statleg tilskot øyremarka til å vidareføre styrkinga av barnevernet i kommunen, sjå tildelingsbrevet vårt av 29. mars 2017. Inkludert i det beløpet er 194 121 kroner som er føresett overførte frå 2016. Styrkinga gjeld to stillingar som Meland kommune oppretta med statlege midlar i 2011 og i 2013.

Revisjonssjef Reidar Bjørsvik ved Nordhordland Revisjon IKS reviderte rekneskapen den 5. mai 2018. I revisjonsuttalen er det stadfesta at utgiftsført totalsum i 2017 er på 1 281 749,72 kroner.

Fylkesmannen legg etter dette til grunn at Meland kommune i fjor nytta 1 281 750 kroner av dei 1 435 000 statlege tilskotskronene som kommunen hadde til rådvelde, og at 153 250 kroner vert overførte til bruk i barneverntenesta i 2018. Løyvinga i år vert tilsvarande redusert.

Ordninga med styrkingsmidlar til barnevernet over statsbudsjettet kapittel 854 post 60 er ført vidare i 2018. Til to stillingar kan ein få inntil 1 470 875 kroner i statstilskot. Etter fråtrekk av dei pengane som ikkje vart nytta av fjorårets løyving, får Meland kommune med dette tilsegn om **1 317 625 kroner** i statleg tilskot for 2018 til å finansiere dei stillingane som kommunen har fått statleg tilskot til å opprette. Meland kommune disponerer såleis inntil 1 470 875 kroner, når vi tek med dei 153 250 kronene som er overførte frå 2017.

Det er ein føresetnad at Meland kommune ikkje reduserer stillingane i det kommunale barnevernet til eit lågare nivå enn 2013, som er det siste året kommunen fekk statleg tilskot til å opprette ei ny stilling ved barneverntenesta.

Tilskotet skal nyttast til løn og lønsrelaterte utgifter, som inkluderer overtidsgodtgjering, kompensasjon for ubekvem arbeidstid, feriepengar, arbeidsgjevaravgift, pensjonsdel, og eventuelle andre sosiale utgifter. Tilskotet dekkjer ikkje overhead/administrasjonsutgifter, telefonutgifter, kontorutgifter, reiseutgifter og godtgjering for bruk av eigen bil eller innkjøp av konsulenttenester.

Tilskotet skal i utgangspunktet nyttast i 2018. Tilskotsmidlar som ikkje vert brukte i år kan likevel overførast til neste år, og i tilfelle vil ei eventuell statleg løyving neste år bli tilsvarande redusert.

Meland kommune skal sende revisorattestert rekneskap for bruken av tilskotet for 2018 til Fylkesmannen i Hordaland (Vestland) innan 31. mars 2019. Kopi av tildelingsbrevet skal leggest fram for revisor i lag med rekneskapen. Dersom rekneskap og revisorattestert ikkje vert leverte, kan tilskotet krevjast tilbakebetalt. For rekneskap på mindre enn 100 000 kroner er det ikkje krav om revisoruttale.

Fylkesmannen og Riksrevisjonen har rett til å kontrollere at løyvinga vert nytta etter føresetnadene, sjå statens løyvingsreglement § 10 andre ledd. Fylkesmannen har fått i oppgåve å kontrollere at tilskotet vert brukt i tråd med føresetnadene. Rekneskapen må difor setjast opp på ein slik måte at lønsutgiftene til dei to stillingane kjem fram, og bruken av tilskotet kan haldast saman med reglane for tilskotsordninga. Dersom pengane ikkje vert nytta etter føresetnadene, skal dei tilbakebetalast til statskassa.

Tilskotet for 2018 vil bli utbetalt når Fylkesmannen har mottatt vedlagde stadfesting i underskriven stand.

Vi ber om at referansenummeret vårt, 2018/3126, vert påført framtidig korrespondanse som gjeld tilskotet for 2018.

Med helsing

Rune Fjeld
ass. fylkesmann

Tor G. Turøy
seniorrådgjevar

Brevet er godkjent elektronisk og har derfor ikkje handskrivne underskrifter.

Stadfestinga skal sendast i retur til:

Fylkesmannen i Hordaland
fmhopostmottak@fylkesmannen.no

Eventuelt per brevpost til:
Postboks 7310
5020 Bergen

Fylkesmannens referanse: 2018/3126

STADFESTING

Organisasjonsnummer:

.....

Kommunennummer:

.....

Kontonummer:

.....

Namn, postadresse og telefonnummer ansvarleg leiar for den kommunale barneverntenesta, eventuelt økonomiansvarleg:

Meland kommune har fått tilsegn om statleg tilskot på **1 317 625 kroner** for budsjettåret 2018 til lønsutgifter og lønsrelaterte utgifter for to stillingar i barneverntenesta.

Meland kommune stadfester med dette å ha lese og godtatt vilkåra som er sett i Fylkesmannens brev av 9. mai 2018.

.....
stad

dato

.....
ansvarleg leiar

Stadfestinga skal underteiknast av rådmannen eller den som har fullmakt frå rådmannen